

TRE FJORDAR

LAGSBLAD FOR: SOGN OG FJORDANELAGET I OSLO
NORDAHL BRUNSGATE 22, 0165 OSLO

NR. 3

2017

ÅRGANG 32



FOTO: Dagfinn Aa ©

Ostelag på Nordfjordhytta 7.-8. oktober




FOTO av Jon Tvinnereim frå nettet



FOTO: Agnar K. ©

*Smalahove på Pustut
21.-22. oktober*

*90. klubbefesten laurdag 4. november
- sjå side 5!*

Leiaren – lagshausten har mykje godt å by på!

Gode medlemmar!

Med sommaren bak oss og haustveret i kjømda ønskjer vi alle vel møtt i laget.

Ringen er i gang med øvingane. Ein av dei gamle dansarane der, Sigrund Nesdal, fylte 90 år i sommar. Sjå side 6. Og så har folk frå ringen nyleg vore på ein makelaus tur i Ytre Sogn og Sunnfjord. Melding frå den turen i neste nummer.

Dei tradisjonelle tilskipingane kjem i oktober og november. Den første med osteselskap i etter kvart god tradisjon på Nordfjordhytta, den første laurdagen i oktober, sjå neste side.

Så vert det 14 dagar seinare fest på Pustut (Sunnfjordhytta) med skjelter (smalahove). Meir om den finn du på side 4 (påmelding og pris).

To veker etter det igjen, 4. november, toppar det seg med **den nittiande Klubbefesten**. Vi får vitjing av **Jon Tvinnereim** og **Austrheim Musikklag**, alle frå Nordfjord. Vi markerer også at det er 30 år sidan dei tre laga slo seg saman i Sogn og Fjordanelaget i Oslo.

Vel møtt både på hyttene og i Nordahl Bruns gate.

Agnar Kvellestad (leiar)

Kulturnatt Oslo fredag 15. september

Gå i Bygdelagshuset i Nordahl Bruns gate 22 no fredag og opplev folkeleg dans, song og musikk med Bygdelagssamskipnaden – **gratis!**

Tilskipinga er ein del av Kulturnatt Oslo og varer frå kl 17 til vel midnatt. Staden er **Bygdelagshuset, Nordahl Bruns g. 22**. Open kafé heile kvelden.

Kollektivtransport:

Buss 37 til Nordahl Bruns gate.

Trikk 11, 17 og 18 til Holbergs plass.



Bygdelagssamskipnaden gir deg folkesong, dans og musikk i tre salar.

17.00 og 18.00: Halling i Halli. For ungar 5–15 år.

Osteselskap på Nordfjordhytta 7.–8. okt.

Vi inviterer til tradisjonsrikt osteselskap og mykje god prat på Nordfjordhytta helga **7.–8. oktober**.

Ta med litt ost, kjeks, frukt og høveleg drikke til festmåltid ca kl. 19 laurdagskvelden.

Ta også med litt frukostmat til lang, felles frukost søndag.



FOTO: Dagfinn Aa ©

GODT OSTELAG: Så triveleg er det på Nordfjordhytta når der ei helg kvar haust er osteselskap, med kjeks og ost på bordet og eld på peisen.

Vel møtt på hytta!

Helsing Astrid Gjørven og Dagfinn Aa

19.00–22.30: Folkedans for alle i Halli. Ansvarlege lag: Hordaringen, Oslo Songdanslag og Symra. Gammaldans, turdans, songdans, historisk dans, stildans mm. Musikk ved Solvor Sundsbø og Edvin Øen.

20.00–20.30: Gammaldans til toradar-musikk i Halli. Toradargruppa i Symra – “Symradern”.

19.00–22.30: Springar og gangar for alle i Blåsalen. Kenneth de Gala, Andris Hemsing og Herbjørn Liahagen spelar.



19.00–00.30: Dansefest i Storsalen. Østerdølenes Spellmannslag og Tonje & Stein Magne spelar, men 20.00–20.30 er det **Konsert med Bygdelagskoret Blåne**.

Smalahove på Sunnfjordhytta 21.–22. okt.

Det går slag i slag på hyttene i haust. Ikkje før har folk fått i seg ost, kjeks og anna godt på Nordfjordhytta, så blir det smalahove m.m. å få på **Pustut laurdag 21. oktober.**

Ta med høveleg drikke til fest-maten ca kl. 19 laurdags kvelden.



FOTO: Agnar K. ©

SMALAHOVE TIL BORDS: So god stemning er det på Sunnfjordhytta når det ei helg kvar haust kjem smalahove, kålrot og poteter på bordet.

Folk må pga. maten melda seg på etar-gildet til Agnar Hegrenes, tlf. 924 96 438 (gjerne på sms) eller agnar.hegrenes@nibio.no seinast **onsdag 18. oktober.**

Me ynskjer alle som kan og vil, velkomne til eit godt måltid svidne smalahove frå Ivar Løne på Voss, med kålrot, poteter og flatbrød til!

Prisen vert også i år **200 kr per person**, 300 for dei som overnattar til søndag. Kaffi og kaker er medrekna.

Dei som vil overnatta, må ta med sovepose/ lakenpose og mat og drikke til frukosten.

Laurdagen byd også på ei overrasking.

Sunnfjordhytta Pustut ligg ved Sinober i Lillomarka. Du kan gå sti anten frå Snippen eller Movatn (på Gjøvikbana) eller grusveg frå Sagtomta i Nittedal (RV4 til skilting 'Lillomarka').

Agnar Hegrenes,
leiar i hyttestyret



FOTO: Aliv Reidar Dale ©

Klubbefesten 4. november

Nok eit jubileum – den 90^{ande} festen!

Og Sogn og Fjordanelaget i Oslo er allereie 30 år!

Klubbefesten laurdag 4. november er den 90. i rekkja, frå den fyrste i 1923 (5 år utan under krigen). Historikaren **Jon Tvinnereim** frå Randabygda held festtalen, og **Austrheim Musikklag** frå Gloppen spelar til underhaldning og dans!



FOTO frå nettet (Volda i bakgr.)

Jon Tvinnereim voks opp i Randabygda og har arbeidd som førsteaman. i historie og rektor ved Høgskulen i Volda i mange år. No er han ein aktiv pensjonist. Dessutan er han forfattar, har skriva ein brote med bøker og artiklar. Han vil kaste eit skråblikk på Nordfjord og fylket og setje klubbefesten inn i eit større perspektiv.

Austrheim Musikklag er eit av våre aller eldste spelemannslag, heile 100 år i år. Det har dei feira med å spele i alle fylka i landet og set no krana på verket med å spele for oss i Oslo på haustfesten!!

Elles vert det full **klubbe-/raspeballmiddag** med alt som høyrer til – truleg den siste store!

Alle opplysningar om påmelding og prisar kjem i neste nr. av **Tre Fjordar** – om eit par-tre veker, men set av kvelden alt no!



Austrheim Musikklag rundar dei 100 i år og har spela i alle fylke dette året når dei har gjesta oss. Slå den!

Og tips gjerne vener og kjende om denne eineståande tradisjonsfesten vår!
De er velkomne laurdag 4. november!

Sigrund Nesdal 90 år!

I finaste sommarveret runda Sigrund 90 år 19. juli.

Ho var i fleire titals år aktiv både i leikarringen og i lagssamanheng.

Om ho ikkje lenger er like aktiv som tidlegare, har ho godt humør og godt hugse.



FOTO: Alv Reidar Dale ©

GILD JUBILANT: Sigrund Nesdal fylte 90 år 19. juli. Ho vart fortennt feira med både blautkake og blomar frå Sogn og Fjordanelaget og -ringen.



FOTO: Alv Reidar Dale ©

Og Sigrund held framleis laget med kabbar og troll til borddekorasjonar på klubbefesten kvart år!

Og ikkje minst har ho rosemåla tallause fat, bollar og kister til mange av medlemmane og andre.

Det var svært kjekt å kunne vitje henne heime på Stovner på sjølve dagen, med blomar, kake og kaffi, frå laget og ringen. Ei retteleg triveleg og god stund i godt selskap.

Anny, Alv Reidar og Marit

MED GLIMT I AUGA: Sigrund har humor og godt humør i høg alder. Og sjølv om ho ikkje er like dansesprek lenger, hugsar ho godt den tida.

Folkemusikk og dans på Riksscena

Sunniva no

er ei interaktiv danseframvisning om tru og tvil, maktbruk og mellommeneskelege relasjonar, bygd på historia om Noregs første og einaste kvinnelege helgen, Sta. Sunniva av Selje.

«Sunniva no» er tittel på denne samtidsorienterte nyproduksjonen med norsk folkedans og folkemusikk. Den viskar ut skillet mellom scene og sal, og let publikum få oppleve dans og musikk på nært hald.

Sunniva no er produsert i samarbeid med Førdefestivalen og Sogn og Fjordane Teater, og med støtte frå Kulturfondet.

Frå vårt fylke er *Gro Marie Svidal* med og spelar, ho har også laga musikken. *Mette Brantzeg* har regi/koreografi og *Erik Annar Evensen* står for scenografi.



FOTO: Cathrine Dokken ©

Laurdag 30. sept. kl. 21. Få bill., kr. 220. Riksscena ligg inst i Schouskvartalet nedst på Grünerløkka.

... me berre minner om at

Laget sine tilskipingar finn du òg på nettsidene våre. Med atterhald om endringar.

<http://www.sognogfjordanelaget.no/>

<http://sognogfjordaneringen.no>

- Det blir Kulturnatt i Oslo fredag 15. sept. Den deltek BLS og laget på.
- Osteselskap på Nordfjordhytta fyrste helga i oktober, 7.–8 .
- Smalahovegilde på Sunnfjordhytta 21. oktober.

Lagsavisa Tre Fjorlar – fristar mm.

Frist for stoff til neste avis er **1. oktober**.

Send stoff til bladet i vanleg Word.

Bilete; helst digitale (som .jpg).

Send til a.r.e.dale@uniforum.uio.no

OBS! Ei oppmoding til alle som har e-postadresse, men ikkje har meldt inn til laget. Send henne til oss (sjå baksida), slik at me kan bruka den ved utsendingane av avisa og annan informasjon.

BRUK HYTTENE I HAUST: Me oppmodar medlemmene til å leige hyttene i helgane, det er svært rimeleg og fin haustferie, det! Sjå kontaktlista på baksida av bladet.

STYRET

Leiar: Agnar Kvellestad 22 49 45 96 (p) - 90 53 36 96
agnar.kvellestad krøllalfa nmbu.no

Kasserar: Hilmar Nummedal 92 06 72 63
hilmar krøllalfa getmail.no

PRESSE & PR

Leiar: Alv Reidar Dale 97 82 62 48(p) - 22 85 63 48 (a)
a.r.e.dale krøllalfa uniform.uio.no

HYTTESTYRET

Leiar: Agnar Hegrenes 92 49 64 38
agnar.hegrenes krøllalfa nibio.no

Kontakt Sunnfjordhytta: 21 92 02 05 (p) - 91 55 10 58 (a)
Andor Gjelsvik
andorgj krøllalfa frisurf.no

Kontakt Nordfjordhytta: 45 00 49 33
Dagfinn Aa
aa12 krøllalfa online.no

SOGN OG FJORDANDERINGEN

Nestleiar: Finn Stafnes 90 82 12 27
Fi-stafs krøllalfa online.no

Sendar: **SOGN OG FJORDANELAGET I OSLO**
Nordahl Brunsgate 22
0165 Oslo
